



Minggu, 1 Oktober 2023
Ogen : Pilipi 3:15-16



Sendalanan Kjniteken ras Perukuren



Pancasila e me palas kegeluhen selaku sada bangsa ras negara Indonesia, jadi sada palas gelah kegeluhenta teratur ras sikap. Tapi i bas perdalanenna, mbue kalak si ersura-sura gelah palas negara e isambari alu paham-paham si deban. I bas tanggal 1 Oktober 1965 kenca peristiwa pemberontakan G 30 S/PKI, Pancasila ngulahi teruji ngasup mpersadaken kerina unsur-unsur si lit i bas negara enda. Kiniersadan e erbahanca gerakan-gerakan perlawanan si rusaha gelah idiologi negaranta isambari e la ruli. E maka bas tanggal e itetapkan selaku hari Kesaktian Pancasila.

Wari Kesaktian Pancasila erkawiten ras uga gegehna Pancasila selaku idiologi bangsa ras negara si la banci igantiken asa ndigan pe alu paham-paham siapai pe. Bage me pe kerna Pustaka Si Badia bas kegeluhen kalak si tek. Pengajaren-pengajaren kiniteken si iajarken bas Pustaka e ndauh gegehen asangkan pemeteh-pemeteh ras paham-paham si lit bas sekelewetta. I bas doni enda la lit pengajaren si sempurna, seakatan pengajaren kerna Kata Dibata. Amin gia lit sipelajari "kebenaren" si deban, tapi pedomanta sada ngenca Pustaka Si Badia. *Ujilah setiap roh (1 Joh 4:1)*, adi lit sialoken pemeteh si sangkut bas ukurta, ujilah lit nge ndia bas Pustaka, cocok ras kinitekenta ntah ndauh sirang ras pengajaren sinipeseh Tuhan Jesus banta.

Kata Dibata nggo teruji ribuan tahun, bas kerina suki doni ras man jutaan jelma sepanjang sejarah. Tetaplah cikep dengen *kai gia si jadi, siteruskenlah ngikutken usihen si nggo si ikutken seh genduari* (e me kerna keselamatan bas Kristus).